

ZERINA SELIMOVIĆ

Software Developer,
Bicom Systems



NAŠE WEPs PUTOVANJE PRINCIP 4: **OBRAZOVANJE I OBUKA ZA NAPREDOVANJE U KARIJERI**

Moje ime je Zerina Selimović. Diplomirala sam na Fakultetu Elektrotehnike u Tuzli, i trenutno radim kao full-time Software Developerka u Bicom Systems kompaniji.

Kao dijete, bila sam veoma znatiželjna i voljela sam sport. Posebno sam uživala igrajući tenis, te često zamišljala da ću biti profesionalna teniserka. U drugu ruku, voljela sam i umjetnost, posebno muziku i pjevanje. Međutim, škola i obrazovanje uvijek su bili moj prioritet, te sam kroz osnovnu i srednju školu zavoljela matematiku i fiziku. Nekako sam potajno znala da će to biti put mog daljeg obrazovanja i rada.

S tim u vezi, u srednjoj školi već sam znala da ću upisati Elektrotehnički fakultet. Iako u to vrijeme nisam imala iskustva sa programiranjem, najviše me privukao studij Informatike i računarstva, koji sam upisala bez oklijevanja. Iako sam povremeno dobijala komentare da to nije tipičan posao za žene, to me je samo dodatno motivisalo da uspijem u mojim ciljevima.

Biti dio IT svijeta znači da vam nijedan dan nije isti. Moje putovanje u Bicom Systems započelo je prije nekoliko godina. Kao studentica, dobila sam priliku za plaćenu praksu, gdje sam se svaki dan susretala sa novim stvarima, koje nisam imala priliku učiti na fakultetu. Danas, svakodnevno suočavanje sa rješavanjem različitih poteškoća i bugova, donosi nevjerovatan osjećaj zadovoljstva, naročito kada je riječ o proizvodima koje će koristiti naši klijenti. Posebno volim raditi sa mojim timom, jer zaista timski rad sve čini zanimljivijim i lakšim.

Svakoj djevojčici, djevojci koja razmišlja o studiju elektrotehnike, informatike i računarstva, savjetujem da bez oklijevanja krene ka tome. Najvažnije je da vas to istinski interesuje, te da volite učiti nove stvari, i onda vam je samo nebo granica. Nemojte da vas obeshrabri ako se do sada niste susreli sa programiranjem, jer to ne znači da nemate potencijala postati prava profesionalka u ovoj oblasti. Jer zaista, svaki rad i trud se isplati.